

百名家詞鈔

名家詞鈔目錄

廬陵 聶先 晉人

纂定

長水 曾王孫 道扶

柯齋詩餘 合選八峰不礙雲山樓

雲間 周 綸 鴈垂

望江南 三調 搗練子 二調

江南春 洛妃怨 二調

浣溪沙 菩薩蠻

好事近 清平樂

阮郎歸

望仙門

畫堂春

錦堂春

二調

虞美人

踏莎行

兩同心

天仙子

御街行

滿江紅

五調

水調歌頭

念奴嬌

木蘭花慢

沁園春

二調

賀新郎

桐齋詩餘

雲間 周 綸 鴈垂

望江南 戲占

門○晝○掩○臨○鏡○問○花○枝○風○若○有○情○吹○不○去○月○應○無○意○照○
來○遲○偏○爲○惹○相○思○

前調

多○少○事○拋○却○一○尊○前○楊○柳○綠○搖○樓○外○雨○桃○花○紅○點○渡○
頭○煙○有○箇○怨○韶○年○

前調

江上柳。蘸水綠條條。乍送盡。船穿樹出。旋看估舶繫繩牢。相伴夜還朝。

搗練子 寫怨

雲影亂。月黃昏。一鴈南飛人斷魂。無○奈○角○聲○吹○不○散○。滿○懷○幽○怨○鎖○重○門○。

前調 閨意

悔別後。數歸期。腸斷無因更得知。獨有夜來樓畔月。照人長是倚闌時。

江南春 維揚道中

雲漠漠雨絲絲。一鞭茆店遠。萬里壯心違。江南江北。
人如織。帶得窮愁信馬歸。

洛妃怨

憶在

曾向那時深院相見。又還不見。欲待晚來風送行踪。
風起浪花如雪。吹皺一江新月。莫恨水東流。水無
愁。

前調

寂寞舊時池館。人共落花吹散。繫馬盡橋邊。恨綿綿。
心事倩誰堪管。忘却春風一半。沽酒醉還眠。夕陽。

天。

浣溪沙

有述

懶捉瓊梳倚鏡前。一番春病損眉尖。見時阿母不勝憐。
多恐有心爭識得。嬌羞紅透雪。腮邊東風寒峭。
鞦韆香肩。

菩薩蠻

紀夢

鄉心只說江南好。夢歸却在江南道。兩槳拂清波。春
山一帶過。盡橋西畔住。見遍難相遇。待得淚沾衣。
山窗聞曙雞。

好事近 閨情

愁眼送春歸。愁思一春如昨。綠葉枝頭過了。又楊花自落。香消翠減。奈何時。悔却當初約。寂寞畫樓深院。玉人渾似削。

清平樂 詠愁

西來東去。粧就因風絮。處士高眠。閒不與。只向蘭房深處。盡簾終日低垂。雙雙紫燕啣泥。記得別時相對。如今却又歸期。

阮郎歸 憶別

鈎簾春色望中閒。有誰同倚欄。當年只解唱陽關。無
時憑信還。長亭路。晚山攢。悲涼意漸闌。萋萋芳草
夕陽殘。天涯不耐看。

望仙門

湖心亭

湧金門外簇雕輪。逐芳塵。十年前是夢中身。舊遊人。
山色看如故。山花着意還新。麗情爭似碧波深。碧
波深。花信爛。足吾生。

畫堂春

秋閨

繡幃翠被篆煙幽。依前無恙高樓。瑤房深處月華流。

閉○照○人○愁○ 一片畫簾不下。幾回寶瑟難收。憶伊只
自少年遊。又在心頭。

錦堂春

留別王阮亭先生

得得馬蹄深巷。樓樓蓬累無他。漫憐金盡將何盡。校
量欲纏魔。問字阿誰肯。過笑伊沒字碑多。秋風不
慣吹愁去。着意到庭柯。

前調

留別祠部葉蒼巖先生

怪絕每呼疥壁。相憐直許生花。幾番休沐從良會。弱
管試金芽。一似華嚴全部。真須艮封無差。離亭多

少征人夢。寒雁逐天涯。

虞美人

閨怨

一番春事匆匆也。閒著傷春者。東皇却怕惱人懷。斷送鶯時花信不成來。蕉心舒卷愁難似。比亂絲誰理。東皇不怕惱人懷。只顧綠肥紅瘦向妝臺。

踏莎行

春閨

春到誰行。愁來甚處。一番悵望無憑據。惱人最遠是青山。青山不去。歡長去。舊日風情。而今意緒。靡蕪有恨難深訴。欲將錦字倩伊知。夢中銀鹿曾傳與。

兩同心 閨情

舊○遊○人○也○。邈○若○河○山○。閒○跳○處○。春○燕○一○片○。飛○搭○起○心○在○。
睂○尖○好○。天○氣○誰○倩○風○箏○。化○作○青○鸞○。畱○取○別○緒○千○端○。
莫○助○悲○酸○。待○相○見○。從○伊○細○數○。惡○滋○味○。強○自○爲○歡○。無○奈○。
是○雙○袖○尋○常○。珠○淚○闌○干○。

天仙子 畫扇

緘○題○純○扇○頻○頻○看○。雲○想○衣○裳○風○拂○亂○。貌○得○花○枝○濺○雨○。
寒○春○過○半○。愁○過○半○。春○愁○容○易○春○光○換○。柳○色○毵○毵○芳○。
艸○听○呢○喃○。燕○逐○游○絲○散○。欲○報○相○思○兩○字○難○。身○長○絆○心○。

名家詩集
長綈天公爭肯留人算

御街行

一辭輦上公侯第。重記憶多年歲。大都折簡話匆匆。
藝獵歸同醺螭。當杯未飲。欲歌還泣。只有愁先醉。
先生運筆如持計。王事外騷壇契。曹劉公讌竟誰攀。
占盡宗工體製。鰕生敝帚。千金何在。却早浮雲逝。

滿江紅
送董蒼水之粵西

綠暗紅稀。又艸艸旗亭話別。問此去羊腸鳥道。霞蒸
雲疊。乍可臨邛誇令客。寧堪老作參軍謁。笑世情閱

盡竟如何。因人熱。詩警策。意疎豁。杯蟻泛。蟾光撮。
且停車。駐策宵殘燭。跋吳苑。鶯啼連驛店。蠻天猿嘯
來千峽。預期程歸醉陸生裝。華筵列。

前調 季友來自南浦招集卽席
有贈歌妓湘煙次韻示之

畫舸南來。錦帆掛桃花水漲。傾筐篋。言成珠玉。苦吟
無恙。壯志只縈青瑣闥。柔情慕。逗紅顏上。奈金釵二
十戲盤龍。誰曾餉。春衫怯。秋波漾。黃河遠。憑低唱。
問沈腰。潘鬢。愁酣於釀。人世那饒塵外趣。洗頭盆。挂
何仙杖。儘百年三萬六千場。無多狀。

前調 挽朱尚木先生

一疏潮陽千載上風流如昨。人道是韓公今日九原
可作。到處碑題詩句健。文山秀色烘簾幙。問瓜期却
訝似投荒長沉閣。燕市裏傷漂泊。高軒過還相索
記都亭出祖。廿年辜却。辛苦爲儒明汪念。絕憐知己
多零落。想靈旗彷彿下崑岡。霑瑤爵。

前調 東季友

長日如年。只消得蟬聲盈耳。當此際。索居情緒呼僮
覓紙。試東輞川居士處。草堂况味殊難擬。認夕陽西

下是吾山殘紅裏。倚脩竹。吟方始。傾薄酒。狂初起。
看漁舟兩兩渡頭歸矣。滿把新篇誰印可。惠余麗藻。
空延跂。倘扁舟訪戴。肯重來。楚然喜。

前調

有感

覆雨翻雲可曾記。日中爲約。回首處。乘車戴笠盟言。
如昨。玉敦珠槃休問者。人生富貴。須行樂。笑沐猴輕。
躁。竟何庸從君作。遼東豕。遭輕薄。江東鱸。勞穿鑿。
縱卞和屢刖。懷珍自若。割席便應長訣也。彈冠却訝。
無斟酌。嘆古來。管鮑與雷陳。漆蕭索。

水調歌頭

寓齋集曹掌公徐電發朱人遠葉元禮卓永瞻宋楚鴻王季友家雪

客時電發將之鎮唐雪客將還大梁

燕市說吳市。萬里故人同。兌得餘杭清釀，呼取酒徒
雄。袞袞詞壇稱霸，多少生瑜生亮，妝點筆花工。作惡
是離別，南北與西東。林逋宅，梁王苑，去匆匆。紅塵
隊裏，車如流水馬如龍。爭似一鞭歸也。檢校鷗盟鶴
夢。添箇伴漁翁。無恙舊山在，回首夕陽中。

念奴嬌

贈武塘陳心微

別來何似。算天公艸艸。吾曹同貫。還記離亭叢桂後。

十二千支齊換老怕名場愁添詩句世事成河漢歡
言相對依然爭弄柔翰看取听柳汀梅奔馳底樣
又早春光爛一抹遠山青我眼磊砢半生冰炭且住
爲佳試開懷抱醉影春星亂故人問訊惠余新什傳
翫

木蘭花慢

庚戌除夕

記鳥飛兔走纔屈指。看冷暖世情。白衣蒼狗。
不耐尋思。生憎筆花墨瀋。遇良辰便欲賦新詩。四韻
年年除夕。一衫歲歲如斯。狂奴近態大堪嗤。難與

俗人知且恣意頽唐。十分放誕。逐甚高低。今宵得吾
身暇。但杯鐺相送。黑甜時。遮莫嚇他腐鼠。儘教悟透。
醢雞。

沁園春 飲魯謙庵署中和會侯韻

咄咄飛揚。看主盟騷雅。俯視名場。有刺史開筵。交投
綽綽。詞壇屬和。韻叶宮商。不律拈來。欲遲暑賦。角勝
多時。髣已蒼長。摧落秋風。蕭瑟厄閨黃楊。儘誇賈
壘曹牆。是公等標題。姓氏香。且呼馬呼牛。山人抹煞。
爲鬼爲賊。剗地鋪張。因蒂汲根。橘中之樂。收括雄心。

直○甚○忙○。叅○賓○從○喜○。紫○茄○白○莧○。清○映○霞○觴○。

前調 自嘲

南○北○東○西○。嘆○此○生○碌○碌○。不○憚○輪○蹄○。便○壯○志○難○灰○青○雲○
路○。脊○名○場○久○困○。白○社○空○依○。二○十○年○來○。秋○風○桃○葉○一○枕○
黃○梁○苦○未○知○。更○何○事○。海○濱○逐○臭○。按○劍○而○歸○。人○言○俗○
相○非○宜○。縱○傳○粉○塗○朱○枉○自○癡○。但○半○嶺○梅○花○。千○竿○脩○竹○
撇○開○破○甌○。收○拾○殘○碁○。箕○踞○科○頭○。水○邊○林○下○。夢○斷○春○明○
夢○也○遲○。仲○珪○在○看○骷○髏○盡○就○誰○喜○誰○悲○。

賀新郎

雨中范武功同程飛九過飲次秋水軒韵

毒霧昏書卷。困沉沉愁城如帶。愁魔難遣。舊雨不來。
新雨續。隻影伴花露。誰剝啄苔青足繭。有箇解人。
能解我算春。膠爭似春潮淺。長貫得雄心展。一丘
一壑。忘通顯。怕隨行焉哉乎也。爲人圓扁。咄咄書空。
真怪事。黃口兒曹豚犬。看阿堵阿誰其免。活剝生吞。
衣鉢在熟之。無兩字同墳典。吾衰矣。年如剪。

宋荔裳璉曰。釜山有子鷹垂。方在羈貫之年。間嘗
誑客。以其詩雜釜山集中。讀者竟無以辨。今其
詞益工。幽燕老將之雄奇。三河少年之俊邁。吾
未能爲之軒輊也。

王儼齋

鴻緒

曰。周子與余爲內兄弟。憶其童丱時。

出言卽驚其長老。旣長。淹貫經史百家。詩文詞
浩浩落落。不一格。當與燕許大家。先後方駕。

張洮侯

彥之

曰。一日過鷹垂山中。出尊人釜山先

生及周子等身著述。逮令子冰持諸稿見示。焚

香捧讀。非齊梁纖調。捃拾旣博。師匠復高。祖父
子孫。世世以詩古文辭名天下。余家寧不退避
三舍耶。

名家詞鈔目錄

廬陵 聶先 晉人

纂定

長水 曾王孫 道扶

志壑堂詞

淄川 唐夢賚 濟武

浣溪沙 二調

怨王孫

如夢令

虞美人

南鄉子

唐多令 二調

一叢花 二調

滿江紅 四調

玉漏遲

南浦

萬年歡

三調

賀新郎

三調

志壑堂詞

淄川 唐夢賚 濟武

浣溪沙

龍灣遲友人不至

初換羊裘試曉風。溪山罨畫綠溶溶。水晶簾解下龍宮。
微醉漫吟懷邵子。小車高坐待溫公。素心晨夕與誰同。

前調

韓園

愚谷山邊鷺脰橋。誰家茆屋出林臯。畫城流水抱殘郊。
唧尾交交穿鬼磈。將雛小小挂鶯巢。鳴蟬鎮日

綠楊梢。

怨王孫

愚谷山村銷夏

澠溪漸晚。齊王故苑。叢柳風前。濤流岸斷。池上歌枕。
閒眠落紅蓮。無端謾謾驚林野。水春瀉。早是秋聲
也。人歸寂靜。小選皓月無瑕。照蘆花。

如夢令

韓園消夏

趺坐北窓持咒。風悄葛衣吹透。翻落玉符經。報說雨
飛東岫。消受消受。正是散花時候。

虞美人

雪中

紛紛舞蝶西鄰去。吟斷滕王句。擁爐細啜峒山尖。報
道簾前小住。又纖纖井欄初沾。楸枰角謾謾茶聲
作。松風成陣助微吟。一自琴彈白雪到而今。

南鄉子

山村銷夏

何用建高樓。古道長林暑氣收。翠柳雙彈嘶不斷。啾
啾石上鳴泉枕上流。暮雨轉山頭。臥看丹經懶卽
休。雨後溪山別樣綠。悠悠西子湖邊醉莫愁。

唐多令

揚州北郭小集

沙淺古隋溝。溶溶抱郭流。舁輕舟重泊磯頭。曲逕雕

名家詩集
欄○疎○竹○外○籬○落○下○卽○丹○丘○
端○爲○看○花○游○香○隨○水○殿○
浮○戀○深○杯○且○共○停○留○幾○度○看○花○人○漸○老○
提○往○事○且○休○
休○

前調

西湖雪中

路○斷○捕○魚○汀○烟○迷○放○鶴○亭○
望○雙○峯○盡○掩○銀○屏○欲○訪○剡○
溪○人○去○盡○阿○誰○識○少○微○星○
梅○落○笛○難○聽○暗○香○供○素○
瓶○
擎○藤○箋○欲○告○山○靈○
明○日○六○橋○花○外○路○
須○早○放○柳○梢○
青○

一叢花

飲白鹿泉上

芒鞋弔古宋名都。襖被倦長途。遺鈿墮珥，繁華處，荒
祠廟夜嘯饑飢。葛嶺尋丹，桃堤試馬，舊事尚留無。
清湖望望水如酥。良日共携壺。鳴琴潑墨，紅亭上，殘
陽樹。依舊樓烏。蕭寺鐘聲，柴門吠犬，呼醉瘦筇扶。

前調 飲墨香館

踏歌歲暮雪盈隄。携手薦山溪。疏泉鑿石，通雲壑，南
渡後重闢丹梯。梅蘂含春，蘭膏吐焰，人坐翠樓西。
冰綃一幅繪金泥。韋偃舊時題。呼盧擊鉢，黃昏後，貪
浮白。一任鴉棲。鄧尉山前，郁佗墓下，還約聽鶯啼。

滿江紅 觀雪用西湖唱和韻

曉起登樓。看溪澗雪濤如漲。彈指見紅飛綠老。青松
無恙。爛熳春藏竹葉底。分明香在梅花上。怕柴門乘
興故人來。需朝餉。蟹眼沸茗花漾。塵尾拂。宗風唱。
便細剪霜皦。零沽村釀。躋勝朝。携黃蠟屐。攤書夜照。
青藜杖。顧牀頭箬笠與蓑衣。黃冠狀。

前調 漫興

喔喔鷄鳴。重樓燕華池初漲。霍然已沈腰。沁骨十年
清恙。百計銷歸蒿里下。三生錯過蒲團上。嘆皮囊總

有五侯鯖何堪餉。丹竈外松風漾。龐公案重拈唱。
看美姬參佛名僧善釀。若死便埋採藥鋪。此君應卓
蓮花杖。看滄桑都是菟裘公。成何狀。

前調 贈張揖恭

陪鼎高筵。留髡醉紅牙。翻曲。早慣見羽冠如蓋。歌巾
如屋。國士升壇。鳴畫角。佳人合。飛拖腰玉。奈攢瑜燭
影。照曹騰鸚鵡尊綠。延年藥。添甘菊。青精飯。燒湘竹。
恐游山鼓吹。名山之辱。斗酒黃壚。寧論價。紅柑紫蟹。
偏多足。繫芒鞋。踏遍洞庭春。金丹熟。

百字令

秋嶽先生移寓吳山

笑辭和靖與蘇娘載筆來抽詩簞客裏韶光容易去
歲暮崢嶸荏苒雪滿平堦王猷不到早把柴門掩無
情謝女看成柳絮飛糝自是白帝重來旌旗變色
盡把溪山染我欲吳胥山上望可見漁舟點點料應
西溪接連湖水盡力催香靨明朝沽酒扁舟逸興誰
減

玉漏遲

吳山雪中作

漁莊清夢遶晨鐘驚斷寒窓報曉玉界茫茫如到龍

宮○孫○邈○灞○橋○此○間○清○興○應○尚○恨○梅○花○開○少○檢○點○舊○奚○
囊○豈○有○乾○坤○頓○老○一○鞭○鷺○浦○僧○房○覺○吟○肩○孤○悄○寒○
驢○自○好○不○必○麟○洲○處○處○江○南○瑤○草○羯○鼓○數○聲○林○外○須○
早○放○湖○堤○絲○裊○已○約○就○人○共○玉○山○醉○倒○

南浦

桐廬用王沂孫體

放○鴨○散○漁○舟○在○嚴○陵○梅○市○遙○看○嵐○氣○襲○飄○飄○掛○諸○峯○急○
收○拾○煮○酒○蘆○蓬○烟○細○笛○聲○兩○兩○槎○枻○一○葉○林○邊○繫○好○
笑○長○沙○偏○解○事○枉○落○人○間○閒○涕○五○湖○輪○却○鴟○夷○載○
浣○紗○溪○女○竹○園○芝○砌○故○友○訪○莊○生○蘭○棹○發○風○雨○閒○偎○

愁髻泛家浮宅。蒼茫海嶠。渾無帶。人間陶朱當日事。
且飲醇醪口閉。

萬年歡

題雪用史邦卿韻

父老喧呼。幾曾知武林十日奇雪。凍合山陰溪路。蘭
橈誰發。惆悵鯨魚星射。又全起。鼉城驚絕。灞橋外。雲
鎖千山。藍關斷送詩骨。輕颺纔傾未歇。乍峨眉。天
半光景真別。金帳羊羔。妖妓自是佳物。愁煞鰭廬無
薦。更東廊先生無襪。咫尺欲賤乞天公。峯頭早放晴
月。

前調 感懷疊前韻

顧影嶮巖挂紅輪難消髻上霜雪多少朱顏衰老柳
車輕發爛熳華堂絲竹算只有雍門悲絕白楊外無
味青山何峯可定埋骨且支棚塲但歇任偃師跳
舞多分生別屈指山丘目下當情無物今夕銀屏穩
臥那定着明朝鞋襪斜陽好笑口頻開離離海嶠生
月

前調 贈葉星期疊前韻

詞客抽簪甓社湖登牀來詠殘雪興極漁陽三弄禰

衡狂發。回首曲江宴罷。又幾日。琴堂音絕。鴟夷子種
竹栽蓮。鑲金那管銷骨。誰云花殘柳歇。知岫嶁人
去。采藥非別。爐內丹成。砂礫皆是靈物。且看風瓢雨
笠。總不是。山人巾襪。好相約。騎鹿歸來。虹橋拄杖遊
月。

賀新郎

漫興用秋水軒唱和韻

皓月秋雲卷。大都來。埋憂天上。無愁堪遣。阮籍無端
今古淚。潦倒臨岐頻泣。也依舊。蠶殭春繭。此事只堪
拍手笑。嘆癡人。痛哭情何淺。從看破。兩眉展。彩毫

鐵騎人爭顯。任消磨。寒鴉古木。龜趺雲碣。風雨幾番。
人事換。憐殺東門牽犬笑。輪囷無材。終免二十餘年。
驚尚在。爲拂衣。早把青山典。蓮蒿徑。倩誰剪。

前調 憶廬山舊游疊前韻

風正蒲帆卷。記彭湖石鐘浪靜。馬當風遣。畫漿雙閒。
珠沫細濺。濕綺窓清。滋看詞客歡題。魚繭翠削芙蓉。
三疊路。踏晴峯。亂坐藤陰淺。平生興。屐方展。好山
惟有僧名顯。度溪橋。泉流樹蔭。幾朝碑扁。梵唄鐘聲。
松外斷。惱亂青籬僧犬。筇竹杖。一肩初免。丈室雲窠。

非我事。問千崖。瀑布何人典。茅須結髮。應剪。

前調

喜雨彙前韻

雨歇山雲卷。動經年老龍酣睡。靈旂初遣宿麥黃塵。
村婦泣。租吏敲門悲泣。盼幾日。女蠶成繭。綠樹濛濛。
千嶂黑。奈春犁未透耕。猶淺雨師旆。祝還展。天心
暫展。今方顯。漸青溪萍花鏡小。薺花釵扁。推倒銀河。
三日注。閉殺仙源村犬。喜雨賦蘭臺。寧免社事神巫。
鉦鼓競。任催呼茅屋還誰典。愁如蛸。纔能剪。

余舅翁

懷

曰詞家以纏綿婉麗爲宗。其次則淒清。

蕭瑟。又次則古直悲涼。兼斯三者。其惟淄川乎。
讀先生詞。如觀絳雲在霄。如聽宮鶯百轉。如聞
商女之琵琶。如送孤臣之去國。如擊漸離之筑。
如吹吳市之簫。仙才逸品。懷古情深。嘗與泛小
舫於西子湖頭。衰柳陰中。談論今古。分題嘯咏。
快絕生平。惜乎少十七八女郎。按紅牙檀板歌
之。至今尙爲闕事。

聶晉人

先

曰先生博極群書。發爲詞章。風骨高古。

問作閨襜歡讌語。仍不失軒昂本色。秋翁每言
志壑詞一語之艷。一字之工。令人色飛神動。

名家詞鈔目錄

廣陵 聶先 晉人

纂定

長水 曾王孫 道扶

吳山 穀音

晉安 林雲銘 西仲

憶王孫 如夢令

點絳脣 菩薩蠻 二調

謁金門 惜分飛

浪淘沙 鵲橋仙 三調

踏莎行

蝶戀花

漁家傲

感皇恩

天仙子

江神子

驀山溪

滿江紅

四調

念奴嬌

解語花

二調

萬年歡

二調

齊天樂

二調

花心動

吳山穀音

晉安 林雲銘 西仲

憶王孫 西湖秋夜

輕舠盡夜宿波心。用碎千層點水金。弄影風微翠柳陰。猛聞砧。纔怯衣單冷氣侵。

如夢令 戊午客夜聞鐘

剛把書燈吹隱。輾轉寒牀不定。客夢總難成。何待夜鐘。敲醒休寢。休寢率性拋開孤枕。

點絳脣 贈荇文歸吳

筆奪天工四時景色生綾素客身淒苦難借毫端譜
寄語歸舟載取吾愁去和墨楮寫來雲樹面面含
陰雨

菩薩蠻 咏雪有感

寒樓曉起驚蕭索推簾片片瓊花落漫道客衣單將
來作絮彈誰知天意妬却與寒相助舉首問天公
炎涼與世同

前調 庚申守歲

譙樓只聽三通鼓今年便把明年補總是一宵分遂

成○兩○歲○人○
通○宵○臨○鏡○好○
細○看○如○何○老○
看○去○不○爭○多○
爭○多○能○奈○何○

謁金門 題吳寶崖停鞭按劍繡像

雞○喔○喔○恨○把○祖○鞭○生○閣○
白○眼○橫○空○磨○劍○鏑○
夜○寒○星○斗○
落○提○起○人○情○堪○悞○
借○我○將○來○醉○斫○
飛○騎○擲○回○囊○解○
縛○負○心○頭○共○嚼○

惜分飛

新安王葉勸夫遠賈粵西聞其客死
屏食十四日而絕

悔○恨○生○離○今○已○過○
共○穴○誰○教○分○破○
忍○把○前○恩○墮○冰○心○
不○愛○閒○烟○火○
幾○度○思○量○無○一○可○
但○有○安○排○摧○挫○死○

莫○深○埋○我○瘴○江○尚○未○歸○蓬○穎○

浪淘沙

題陳體上林泉垂釣圖冊體上當閩變獨能遠害

鼙鼓動閩封。一片孤忠。持竿避向綠楊風。手上經綸穿赤鯉。氣捉蛟龍。湖海任飄蓬。亂後生逢。追思往事夢魂中。早晚羊裘人物色。豈是漁翁。

鵲橋仙

辛酉除夕

新芳掃屋。新符粘戶。說是般般更易。窮愁獨不受。人除硬住。過來朝初一。人情反覆。此生淪落。缺憾提他何益。天公半點不留餘。也扣去。今宵三十。

前調 武林守歲

街喧爆竹庭然新炬。猶記故鄉今夕。兒童拍手任歌
呼。那管有衰年羈客。銀缸獨對。寒樓孤倚。坐到來
年換曆。愁絲萬丈。作長繩繫不住。東方遲白。

前調 咏宜興周貞女未字守節

邃房固密。靈輻香暗。說甚綠幃相賺。時人錯比柏舟。
詩我未識。當年髦髫。夜合花開。宜男草斬。名義如
山難撼。蛾眉蹙皺。欲終天未許。有張郎嫌淡。

踏莎行 憶人

淡月窓虛殘更燭短。家園人在天涯。遠夢中握手正
分明。啼鴉聲裏難尋斷。芳草無情。朱顏易換。離愁
味苦。嘗應慣。生平懶事爲相思。而今也併相思。懶

蝶戀花

咏落花生寫懷

落後凡花皆罷却。獨此仙根。生意留如昨。俗眼但知
欺寂寞。等閒錯道東風惡。隨地爲家能自託。笑彼
閨葩。苦向枝頭着。結子泥中甘抱璞。成蹊桃李真輕
薄。

漁家傲

憶山居

門對清溪蘆荻畔。野花開落巖頭滿。曲徑往來通道院。終日翫閒雲不許青山管。款乃正喧回棹遠。樵歌又逐棲鴉亂。暝色催將星月伴。歸卧晚窗虛夜久。爐香斷。

感皇恩

贈嚴桂峯侍御入都

大業屬真儒。民艱國是久寄烏臺筆。簪裏門需次。德並西湖秋水。而今詣帝闕。榮無比。折檻朱君。埋輪張子。千載高標若山峙。燧烟方熄。寰宇尚多瘡痍。勿言無闕失。停封匭。

天仙子 苦雪

倚藉寒風粧變態。世路茫茫成阻礙。長空黯淡怪天低。飛鳥懈。行人戒。極目縱橫銀世界。經宿青山驚老邁。總爲憂時絲髮改。暫憑賣弄逞寒威。成易壞。時難再。赫赫陽光雲裏待。

江神子

癸亥夏羅隨園叅軍招飲環柳亭

炎天晝卧窘如囚。強開眸。別尋幽。好友相招入座盡。名流往昔傷心無限事。當笑謔。一齊休。移樽傍石晚風稠。柳枝柔。掠人頭。古木叅差疑是畫圖留。醉眼。

斜看雲影破。日色薄似清秋。

驀山溪

警悟

明明知道。活活街頭者。都是死胚胎。問誰肯死前拋。
下生年易滿。逐日自挨排。談貝葉。論丹經。到底空嗟。
訝。休言無念。念起如何捨。捨得悟真空。再參求無。
中造化。這般作用。大易已詮明。水底月。火中蓮。一切。
成閒話。

滿江紅

用辛稼軒韻和唐濟武見贈濟武以翰苑抗疏罷官究心理學兼通丹訣

白笑疎狂錯道了。今人無識。忽認得英雄對奕。此枰

全北抗疏鴻名存鹿夢掛冠豹隱驚猩屐眼高懸覩
破世間身無非客乾坤大終歸圻生死事誰能敵
望空中過鳥善行無迹閉眼戲場惟守黑回頭虛室
常生白問何時相對碧山巔忘今昔

前調

再疊前韻送游子六歸閩子六精於天學著有天經或問

亂後生逢怪彼此蒼顏誰識若論起文章聲氣何曾
南北把臂重詮纏度尺軒衣笑乏登天屐奈西湖挽
不住扁舟歸鄉客圖書數因何坼朱陸辯空成敵
在此心此理迴超形迹那管沙門爭棒喝憑他羽士

談黃白念胸中各有一璣衡存平昔

前調

四疊前韻壽王延叔七十延叔係陽明先生後有孝德二子皆有文名

千古真儒有幾個姚江明識打破了鵝湖鹿洞斗星
橫北俗學雖擬天祿笥浩歌孰踵爐峰屐美薪傳嫡
系衍箕裘西陵客談經術河汾坼稱孝養曾門啟
向墻東避世市無留迹杖國時占西氣紫觥堂日醉
南辰白况庭前二鶴勝機雲難爲昔

前調

題吳宗彥桃源圖遺冊

人世塵囂那里有桃源佳境若現在武陵地面何逃

前徑本是漁郎尋鹿夢因教太守詢人井古今來疑
隱又疑仙徒爭競前爲記詞華勝茲寫照丹青並
似蜃樓蛟室幻成奇景但欲遊心方外趣不妨寓目
空中影况浮生萬事假和真難拘定

念奴嬌
愁味

問愁何物記當初那里和伊相識慣認眉尖尋舊路
誤我花朝月夕向壁搔頭闌干倚遍倦眼慵春色平
蕪大地一齊輝皺如尺正苦白髮頻催無端萬緒
牽人腸應直戶掩黃昏剛就枕惡夢更番突入斥去

還來。除非拚飲醉死華胥國。酒多晨困。又將前病添劇。

解語花

題王丹麓草堂

明樓瞰宅。瘦石橫堦。倚砌幽窗小。朱闌迴抱。簾櫳外。不盡名花迎笑。輕風忽掃。飛點點文章鋪繞。最喜他。丘壑多情。捉筆供詩料。倦去拋書搔首。問繩床竹枕。不拘時候。鳥喧催覺。夕陽入。猶訝晨光初照。朋過載酒。便待月開樽傾倒。耳熱時。率意成吟。故故矜工妙。

前調

辛酉燈夕周雨文招飲阻雨不赴

平○蕪○釀○綠○殘○雪○留○痕○又○上○元○燈○節○春○光○堪○掇○思○遊○賞○
雨○脚○終○朝○攔○截○華○筵○開○設○難○逐○隊○分○沾○蕉○葉○想○名○園○
亦○似○高○人○不○妄○隨○人○熱○此○日○料○諸○同○列○得○周○郎○相○
顧○詩○句○清○絕○流○連○更○徹○但○豪○舉○呼○不○出○雲○中○月○驕○人○
情○怯○賴○盡○夜○長○眠○藏○拙○若○不○然○滴○碎○鄉○心○添○許○多○淒○
咽○

萬年歡

用史邦卿韻客唐濟武太史索和二

勝○會○名○區○美○聯○翩○鉅○公○肝○膽○如○雪○撫○景○興○懷○難○抑○筆○

花○抽○發○唱○和○中○多○逸○致○俱○譜○出○新○聲○奇○絕○疑○瑤○殿○霓○
曲○方○喧○被○風○吹○落○仙○骨○當○前○繁○華○易○歇○嘆○人○生○似○
客○甫○聚○輕○别○千○古○長○存○還○問○認○是○何○物○休○笑○鶉○衣○浪○
跡○盡○卸○却○從○前○巾○韞○胸○中○别○有○一○壺○天○能○吞○萬○丈○潭○
月○

前調

夙○世○逍○遙○記○山○名○藐○姑○人○若○冰○雪○未○識○何○緣○到○此○警○
心○明○發○最○苦○逢○迎○技○拙○五○十○載○顛○連○幾○絕○如○今○已○白○
髮○盈○頭○僅○留○無○用○癡○骨○家○園○鼓○鼙○未○歇○暫○飄○零○浙○

木丘首遙別。夢醒邯鄲。何件是我家物。休學名場自
苦。作宰相穿新鞋襪。西湖上。白眼橫舟。良宵不負風
月。

前調

疊前韻別法黃石夫子東歸二闕

絳帳睽違。忽西湖客中欣立。程雪每見春風坐裏。奇
文颺發。落筆金敲玉。愛似石鼓秦碑。殊絕奎光暫遊
戲。人間豈侔章句凡骨。何期陽關唱歇。悵三時聚
首。言下揮別。觀海登山。此外有甚人物。猶幸瑤篇在
篋。併被體貽留衣襪。黃山縱是各天涯。情聯共夜明。

月○

前調

異地飄零。遇從前故交情。泮湯雪。藉有文章青眼。箇
藏傾發。竊附侯芭管。蠡但篤好。玄經高絕。他年或寄
跡東齊。執鞭休擯窮骨。而今思鄉念歇。任天南地
北。一樣拋別。夢幻乾坤。身外豈用長物。孺子猶甘擁
絮。笑杜甫憐兒無鞞。夜來理麤缺。晨炊寒廬。仍自吟
月○

前調

嚴視公以画竹見贈。卽有潯陽之行。疊
前韻誌別

片幅丹青作數枝。琅玕離披堆雪。想見靈丘隴上。碧
鮮疎發。潑墨長空黯淡。似玉蕊瑤花方絕。清齋內正
值炎曦。猶疑寒氣侵骨。西湖友聲未歇。忽輕舸短
劍。驅唱分別。到處逢迎。知是海內英物。莫訝駢闐。縑
素作投地。洋州新轡。滕王閣下。待名人風流。夜夜杯
月。

齊天樂

壽法黃石夫子二闕

南飛鶴曲雲璈奏。青陽爲呈春色。事業臯夔。文章李
杜。久已爭光邦國。東山暫息。喜絳甲將逢。猶寬餘曆。

補袞非遲。還看山甫叶枚吉。回思平日氣節似勁松。摩漢千丈高出八載瀛洲。十年岳牧。羸箇香名。清白如今繼跡。喜玉筍先聲。鳳毛林立。當代儒宗。榮華傳萬億。

前調

受知三十餘年矣。東勞晉安。分隔小字南來。先生北至。並寄西陵爲客。欣談在昔。况嶽降良辰。嘉賓雲集。沆瀣情深。懷慙無處。効涓滴。惟期驪唱以後。作入朝司馬。全洛加額。萬卷奇文。畢生亮節。留下吾徒傳。

述。匡時濟國待化洽。垓埏譽垂金石。千古長生仝彭何足匹。

花心動

羅隨園招飲賞桃

春色平分。羨名園仙種。絳趺鋪樹。曬粉蝶狂學語。鶯嬌早占賞花佳趣。乾坤如錦。晴風暖晝。弄影簾櫳香度。參軍幕。幾成漁徑。問津迷誤。更詫新楊爭妒。還抹綠拖青。隔牆回互。天上寄愁。地下埋憂。貴酒鵬鷃堪付。飛光九十。今過半。最當惜殘英。橫路金尊。裘喝將東。君攔住。

洪暉吉

圖光

曰。西仲子。理學經濟之大。天人性命

之微。靡不窮極源流。發明體用。司李新安後。歸
隱建溪。著書等身。一時紙貴。而寄情于美人草
草。畧寫風騷逸韻。才老愈工。皆由性情所得。有
不期然而然者。今以穀音名其編。其情哀。其志
苦矣。

聶晉人

先

曰。晉安林先生。文章氣節。不減宋兩文

忠。而偶爲詩餘。每脫一稿。如芙蓉出水。秀色天
然。曉黛橫秋。蒼翠欲滴。其元配蔡孺人。名捷。字

羽仙亦能詞而好爲忠節之音。尤展成太史嘗
謂先生雖蒙大難百鍊彌剛。鷲音云乎哉。三山
之人聞之必以爲遼東之鶴也。